



Broj: 07-07-9-55-46/2020
Sarajevo, 14.02.2020. godine

Na osnovu člana 100. stav (3) Zakona o javnim nabavkama ("Službene novine BiH" broj: 39/14), a povodom žalbe ponuđača DEFTER d.o.o. Sarajevo na Odluku o izboru najpovoljnijeg ponuđača za LOT 1 – toneri za štampače HP broj: 07-07-9-55-24/2020 od 06.02.2020. godine, direktor Finansijsko-informatičke agencije donosi

ODLUKA
o djelimičnom usvajanju žalbe i poništenju postupka javne nabavke
za LOT 1 – toneri za štampače HP

I

Djelimično se usvaja žalba ponuđača DEFTER d.o.o. Sarajevo, zastupanog po advokatu, Novo Adnanu iz Sarajeva, na Odluku o izboru najpovoljnijeg ponuđača za LOT 1 – toneri za štampače HP broj: 07-07-9-55-24/2020 od 06.02.2020. godine u postupku javne nabavke tonera za potrebe Finansijsko-informatičke agencije za 2020. godinu, za koji je na Portalu javnih nabavki objavljeno Obavještenje o nabavci broj: 10700-7-1-7-3-3/20 od 16.01.2020. godine i Ispravka za obavještenje o nabavci broj: 10700-7-1-7-8-4/20 od 16.01.2020 godine.

Poništava se postupak javne nabavke tonera za potrebe Finansijsko-informatičke agencije za 2020. godinu LOT 1 – nabavka tonera za štampače HP za koji je na Portalu javnih nabavki objavljeno Obavještenje o nabavci broj: 10700-7-1-7-3-3/20 od 16.01.2020. godine i Ispravka za obavještenje o nabavci broj: 10700-7-1-7-8-4/20 od 16.01.2020 godine.

Usvaja se zahtjev žalioaca za naknadu troškova sastavljanja žalbe.

II

Ova Odluka objavit će se na zvaničnoj web stranici Ugovornog organa www.fia.ba, sa istovremenim upućivanjem svim ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama ("Službene novine BiH" broj: 39/14).

III

Odluka stupa na snagu danom donošenja.

Obrazloženje

Postupak javne nabavke tonera za potrebe Finansijsko-informatičke agencija za 2020. godinu pokrenut je Odlukom o pokretanju postupka javne nabavke broj: 07-07-9-4098-1/2019 od 10.12.2019. godine. Javna nabavka je po drugi put provedena putem konkurentskog zahtjeva za dostavu ponuda za nabavku tonera. Procijenjena vrijednost

nabavke za LOT 1 iznosi: 25.110,00 KM. Obavještenje o nabavci objavljeno je na Portalu javnih nabavki dana 10.01.2020. godine pod rednim brojem: 10700-7-1-7-3-3/20, te je dana 16.01.2020 godine objavljena i Ispravka za obavještenje o nabavci broj: 10700-7-1-7-8-4/20.

Po sprovedenom postupku Ugovorni organ je dana 06.02.2020. godine donio Odluku o izboru najpovoljnijeg ponuđača za LOT 1 – toneri za štampače HP broj: 07-07-9-55-24/2020 od 06.02.2020. godine, kojom je za najpovoljnijeg ponuđača odabrao privredni subjekt PRINTEX d.o.o. Sarajevo, koji je dostavio prihvatljivu ponudu, u skladu sa navodima, kriterijima i zahtjevima iz tenderske dokumentacije, dok su ponude ostalih ponuđača odbačene kao neprihvatljive u skladu sa članom 68. stav (4) tačka i) Zakona o javnim nabavkama ("Službene novine BiH" broj: 39/14).

Dana 10.02.2020. godine ovlaštenu radnik ponuđača DEFTER d.o.o. Sarajevo izvršio je uvid u ponude za LOT 1 – toneri za štampače HP.

Dana 12.02.2020. godine Ugovorni organ je zaprimio žalbu ponuđača upućenu od strane punomoćnika advokata Adnana Nove iz Sarajeva iz koje nije moguće nedvojbeno utvrditi o kakvim se žalbenim zahtjevima radi. Naime, žalilac pozivajući se na član 101. stav 1. tačka b) Zakona o javnim nabavkama, koji definiše rok izjavljivanja žalbe od preuzimanja tenderske dokumentacije, navodno "*nezadovoljan tenderskom dokumentacijom*" izjavljuje žalbu zbog pogrešne primjene Zakona o javnim nabavkama, dok u daljem obrazloženju žalbe osporava Odluku izboru najpovoljnijeg ponuđača za LOT 1 – toneri za štampače HP broj: 07-07-9-55-24/2020 od 06.02.2020. godine.

Razmatrajući žalbu, Ugovorni organ je, po pretpostavci da se zapravo radi o žalbi na Odluku izboru najpovoljnijeg ponuđača za LOT 1 – toneri za štampače HP broj: 07-07-9-55-24/2020 od 06.02.2020. godine, a ne na tendersku dokumentaciju kako to žalilac nespretno navodi, utvrdio da je žalba blagovremena, dopuštena i izjavljena od ovlaštenog lica.

Žalilac ističe kako je tačkom 5. d) tenderske dokumentacije traženo da ponuđači dostave: "*Izjavu od kancelarije proizvođača ili distributera ovlaštenog od strane proizvođača kojom se potvrđuje da je ponuđena oprema nova i nekorištena i sa obezbjeđenim servisom na teritoriji BiH. Ukoliko je izjava izdata od distributera predmetne opreme potrebno je dostaviti dokaz da je distributer ovlašten za prodaju opreme i podršku u garantnom periodu.*", te također ističe kako je tenderskom dokumentacijom traženo da:

" Dokumenti navedeni pod tačkom a)-d) moraju biti naslovljeni na ovaj tender. Dokaz se dostavlja kao original ili ovjerena kopija, ne stariji od tri mjeseca računajući od dana dostavljanja ponude.

Imajući u vidu da je izabrani ponuđač u svojoj ponudi dostavio skeniranu izjavu, žalilac smatra da je Ugovorni organ u skladu sa odredbama tenderske dokumentacije bio dužan njegovu ponudu odbaciti jer ista navodno nije "*kvalifikovana*" i kao takva se morala odbaciti.

Nadalje, žalilac također, u vezi sa razlogom odbijanja njegove ponude - nepotpisan i neovjeren obrazac Izjave iz Aneksa II tenderske dokumentacije ističe, kako je ista u skladu sa zahtjevom iz tenderske dokumentacije potpisana, ovjerena i numerisana.

Imajući u vidu sve naprijed navedene konstatacije, žalilac smatra da je Ugovorni organ napravio previd/propust, te predlaže da Ugovorni organ donese novu Odluku, kojom će odbaciti ponudu PRINTEX d.o.o. Sarajevo, te prihvatiti ponudu žalioaca i istom nadoknaditi troškove za sastav žalbe.

Ispitujući navode iz žalbe, da izabrani ponuđač nije dostavio original/ovjerenu kopiju dokumenta iz tačke 5. d) tenderske dokumentacije već da je isti skeniran i kao takav priložen uz ponudu, Ugovorni organ je utvrdio da **su isti osnovani**.

Neosnovani su navodi žalioaca koji se odnose na razloge odbijanja njegove ponude, budući da je tačkom 4. podtačka 4.2 Priprema ponuda tenderske dokumentacije propisano da: *"Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju ponuđača."*, te da je tačkom 4.1 b) tenderske dokumentacije naglašeno da se uz ponudu dostavlja: *"Popunjen, potpisan i ovjeren Obrazac za ponudu - Aneks II (Obrazac, Izjava, Nacrt ugovora)"*, što znači da tenderskom dokumentacijom ovi zahtjevi nisu postavljeni alternativno već kumulativno.

Ugovorni organ je dakle ispravno postupio kada je odbacio ponudu žalioaca kao neprihvatljivu, iz naprijed navedenog razloga, te također imajući u vidu i drugi razlog odbijanja ponude žalioaca - jer ista nije bila numerisana na način na koji je obezbjeđen kontinuitet stranica, kako je to navedeno i u obrazloženju Odluke izboru najpovoljnijeg ponuđača za LOT 1 – toneri za štampače HP broj: 07-07-9-55-24/2020 od 06.02.2020. godine, a na što se žalilac u predmetnoj žalbi nije ni osvrnuo.

Žalba je djelimično osnovana.

Imajući u vidu da niti jedan ponuđač nije dostavio ponudu u skladu sa zahtjevima i kriterijima iz tenderske dokumentacije, Ugovorni organ je odlučio da **se poništava** postupak javne nabavke tonera za potrebe Finansijsko-informatičke agencije za 2020. godinu LOT 1 – nabavka tonera za štampače HP za koji je na Portalu javnih nabavki objavljeno Obavještenje o nabavci broj: 10700-7-1-7-3-3/20 od 16.01.2020. godine i Ispravka za obavještenje o nabavci broj: 10700-7-1-7-8-4/20 od 16.01.2020 godine.

Iz prethodno navedenih razloga, Odlučeno je kao u tački I ove Odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem ugovornog organa u roku od pet (5) dana od dana prijema ove odluke u pisanoj formi direktno, elektronskim putem ili preporučenom pošiljkom.

**DIREKTOR**
mr.sci. Esad Mahmutović

Dostaviti:

- Ponuđačima,
- Komisiji za javne nabavke i
- Sektoru za pravne i zajedničke poslove